

Relaschà las premias il 2021 e decis da sbassar las premias a lunga vista a partir dal 2022

L'Assicuranza d'edifizis dal Grischun (GVB) ha regalà il 2021 a tut las proprietarias e tut ils proprietaris d'edifizis la premia d'assicuranza ed uschia mess in signal economic en temps da corona. Grazia a la buna situaziun finanziala da la GVB cun avunda chapital da ristga en furma da reservas e d'agen chapital sco er investiziuns finanzialas rentablas ha la cumissiun administrativa pudì fixar per igl 1. da schaner 2022 in ulteriur sbassament, per part massiv, da las premias. Ella ha adattà correspondentamain l'ordinaziun da la GVB e sbassà las premias da 19 raps/CHF 1000.– da la summa assicurada sin 17 raps/CHF 1000.– da la summa assicurada (-10 %) sco era decidi d'abolir la classa d'edifizis 2 «construcziuns da lain» (-56 %). A partir dal 2022 ha il Grischun damai ina premia unitara. Construcziuns da lain modernas n'en tenor ils princips e las normas da la scienza da construir betg pertutgadas pli fitg da privels da fieu e privels naturals. I stat bain al Grischun sco «chantun da lain» da tractar construcziuns da lain tuttina sco «edifizis massivs».

Ina bassa summa da donns ed ina buna basa finanziala

Cun CHF 15,1 miu. èn ils donns totals stads sut la media e per CHF 6 miu. sut la summa budgetada. Il 2021 ha la GVB fatg in gudogn net da CHF 36,1 miu. Cun las investiziuns finanzialas ha ella fatg in grond gudogn da CHF 57,6 miu. Ils donns da fieu èn stads CHF 4,6 miu. pli bass ch'ils CHF 13,5 miu. budgetads ed ils donns elementars han importà CHF 6,2 miu., pauc damain che la media da 10 onns. Las malauras che han tutgà fermamain auters chantuns n'hant per gronda part betg fatg donns en il Grischun. Sur la Cuminanza interchantunala da ristgas cunter donns elementars (CIR) ha la GVB dastgà far pajements da gulivaziun en l'autezza da CHF 9,8 miu. als chantuns ch'en stads pertutgads fermamain da las malauras. La CIR è in grondius instrument che permetta ina solidaritat dubla, d'ina vart tranter las persunas assicuradas e da l'autra vart tranter las assicuranzas d'edifizis. Cun ina prestazion maxima da CHF 1,2 mia. è la CIR in instrument fitg efficazi ed unic en il martgà da reassicuranza.



En cas da dumondas:	Markus Feltscher, directur Assicuranza d'edifizis dal Grischun · Ottostrasse 22 · 7001 Cuira telefon direct 081 258 90 01 · markus.feltscher@gvb.gr.ch
---------------------	--